

TANGAZO
BARAZA LA MITIHANI LA TANZANIA



Baraza la Mitihani la Tanzania linapenda kuwajulisha watu wote wanaotaka kufanya Mtihani wa Kidato cha Nne (**CSEE**) na Maarifa (**QT**) mwezi **Novemba, 2016** kama Watahiniwa wa Kujitegemea kwamba;

1. Kipindi cha usajili kwa watahiniwa wa Kujitegemea kitaanza tarehe **1 Januari, 2016** kwa ada ya Shilingi **50,000/=** kwa wanaojisajili **CSEE** na Shilingi **30,000/=** kwa wanaojisajili **QT** na kitaishia tarehe **29 Februari, 2016**. Aidha watakojisajili kwa kuchelewa yaani tarehe **01/03/2016** hadi tarehe **31/03/2016** watalipa Shilingi **65,000/=** kwa watahiniwa wa Kidato cha Nne (**CSEE**) na Shilingi **40,000/=** kwa watahiniwa wa mtihani wa Maarifa (**QT**) ikiwa ni ada ya kawaida pamoja na faini.
2. Mtahiniwa atakayejisajili kufanya Mtihani wa Kidato cha Nne (**CSEE**) **2016** ni Yule ambaye anarudia Mtihani wa Kidato cha Nne (**CSEE**); **au** amefanya na kufaulu Mtihani wa Maarifa (**QT**) katika kipindi kisichozidi miaka mitano (**5**) iliyopita; **au** mwenye sifa zinazolingana na hizo alizopata kutoka nje ya Nchi na kufanyiwa ulinganifu na Baraza la Mitihani la Tanzania.
3. Mtahiniwa atakayejisajili kufanya Mtihani wa Maarifa ni yule ambaye anatafuta sifa ya kufanya Mtihani wa Kidato cha Nne kama mtahiniwa wa kujitegemea.
4. Kabla ya kujisajili kwenye mtandao, waombaji wanapaswa kwenda kwenye vituo vya mitihani kuchukua namba rejea (**reference number**) zinazotolewa **bure** na kufanya malipo ya ada ya mtihani katika ofisi za **Posta tu**.
5. Waombaji wote **wanasisitizwa** kuhakikisha wanajisajili mapema kwa njia ya mtandao kupitia tovuti ya Baraza la Mitihani ya www.necta.go.tz kwani muda wa usajili hautaongezwa.

Imetolewa na:

KATIBU MTENDAJI